



Sermon
Kxf. Dr. Numlaajtsheb Yaaj

“Nws Twb Qhia Rau Nej Lawm”

Easter - The Resurrection of Our Lord
Our Savior Lutheran Church – Lansing, MI
3-31-2024


Thov txoj koobhmoov txoj kev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Malakaus 16:6-7, “And he said to them, “Do not be alarmed. You seek Jesus of Nazareth, who was crucified. He has risen; he is not here. See the place where they laid him. But go, tell his disciples and Peter that he is going before you to Galilee. There you will see him, just as he told you – *Tus timtswv hais rau lawv haistias, “Nej tsis txhob ntshai, Nej tuaj nrhiav Yexus tus uas yog neeg Naxales, tus uas lawv muab nws ntsia rau saum ntoo khaublig. Nws sawv lawm, nws tsis nyob no lawm. Nej cia li los xyuas qhovchaw uas lawv tso nws lub cev cia. Nej cia li mus qhia nws cov thwjtim thiab Petus tias, “Nws yuav ua nej ntej mus puag pem Kalilais tebchaws. Nej yuav pom nws ped raws li nws twb qhia rau nej lawm.”* Nov Yog Vajtswv Txojlus. (Cross-reference – Malakaus 1:24, 27; 9:15; 14:28, 33; 16:8 Lukas 24:6, Tes Haujlwm 2:24, Mathais 26:32; 28:7, 16)

Illustration “Psychic” (Show Saibyaig)



Peb Hmoob cov tsis tau ntseeg Vajtswv ua neej nyob ib txhia tseem nyiam mus saibyaig saib lawv lub neej zoo li cas. Nws xav hnov tej lus zoo tias nws yuav muaj nyiaj txiag npluajnuj, yuav tau nom tau tswv ua, losyog lub neej yuav zoo rau yav tomntej ces nws mus them nyiaj rau tej haujsam losyog tej tus uas txawj saibyaig pab saib nws lub neej. (Show psychic)



Kev saibyaig tsis yog saib rau kev vammeej xwb tiasis ntau zaug uas peb pom losyog hnov txog yog thaum tibneeg muaj teebmeem, kev tsis sib haumxeeb, kev mob kev nkees losyog kev xav ua phem rau lwmtus ces nws mus saibyaig saib tus tibneeg ntawd puas tseem tshuav ua neej ntev npaum li cas. Yog tus txiv muaj niam yaus, niam hlob mus saibyaig saib niam yaus yuav nyob ntev npaum li cas. Niam yaus los mus saibyaig saib niam hlob yuav nyob ntev npaum li cas nws thiaj li tau tus txiv tagrho rau nws tus kheej. (Show reading)



Tsis yog peb Hmoob thiaj li saibyaig xwb. Lwm haiv tibneeg puavleej saib tes thiab saibyaig. Lawv saib txog tej dab pojntxoog, tej khoom uas lawv tau ua poob lawm, kho lawv tej mob, thiab ua kom lawv ntsib kev noj qab nyob zoo. Ntau haiv tibneeg siv nyiaj txiag ntau heev poob rau tej tibneeg uas lawv haistias lawv txawj saibyaig. Yog li ntawd, koj puas ntseeg txojkev saibyaig los tsis ntseeg? Tej uas tus txawj saibyaig ntawd qhia koj nes, puas yuav muaj tseeb losyog yuav ua rau koj muaj kev kajsiaib losyog muaj kev nyuajsiab.

I. Cov kwvtij hlub thiab movtshua, cov “psychic - txawj saib yaig” no lawv yeej tsis paub haistias yuav

muaj dabtsi rau yav “future – *tomntej*” yuav zoo li cas li. Txawm ntiajteb yuav hais li cas, los tibneeg ntiajteb yeej paub tsis txog. Tiamsis yog Vajtswv haistias nws yuav muaj dabtsis tshwmsim nws yeej muaj raws nraim li Vajtswv hais.




Hnub yog yog “Easter – *Hnub Yexus Sawv*”. Txojmoozoo hnubno qhia rau peb tias thaum cov pojniam mus rau ntawm lub qhovntxa mus muab tshuaj tsws qab plheev Yexus lub cev, lawv tsis yog pom Yexus lub cev lawm, tiamsis lawv pom tus timtswv. Tus “angel - *timtswv*” thiaj li hais rau lawv tias, “And he said to them, “Do not be alarmed. You seek Jesus of Nazareth, who was crucified. He has risen; he is not here. See the place where they laid him. But go, tell his disciples and Peter that he is going before you to Galilee. There you will see him, just as he told you – *Nej tsis txhob ntshai, Nej tuaj nrhiav Yexus tus uas yog neeg Naxales, tus uas lawv muab nws ntsia rau saum ntoo khaublig. Nws sawv lawm, nws tsis*

nyob no lawm. Nej cia li los xyuas qhovchaw uas lawv tso nws lub cev cia. Nej cia li mus qhia nws cov thwjtim thiab Petus tias, “Nws yuav ua nej ntej mus puag pem Kalilais tebchaws. Nej yuav pom nws ped raws li nws twb qhia rau nej lawm.” (Malakaus 16:6-7). (Show Jesus teaching his disciples)




Lolus “just as he told you – *raws li nws twb qhia rau nej lawm*” yog Yexus rov qhia tias yuav muaj li cas thaum nws tseem nrog lawv nyob. Nws twb qhia rau lawv ntaus zaug tias nws yuav sawv ntawm txojkev tuag rov los muaj sia nyob. Mathais sau haistias “As they were gathering in Galilee, Jesus said to them, “The Son of Man is about to be delivered into the hands of men, and they will kill him, and he will be raised on the third day.” And they were greatly distressed – *Thaum Yexus cov thwjtim tuaj nyob ua ke hauv Kalilais tebchaws, Yexus qhia lawv haistias ‘Yeej yuav muaj tibneeg ntes Tibeeg Leejtub coj mus cob rau luag*

txhaistes. Lawv yuav muab nws tua, tiamsis peb tagkis nws yuav sawv hauv qhovtuag rov qab los.” (Mathais 17:22-23). (Show varieties of picture)




Yexus hais rau cov tibneeg Yudais cov thawjcoj tias, “...Destroy this temple, and in three days I will raise it up – ...*Nej cia li muab lub Tuamtsev no rhuav kiag povtseg los mas, peb hnub xwb kuv yuav ua tau ib lub tshiab.*” (Yauhas 2:19). Thaum lawv noj tus Tswv Roojmov tag, Yexus hais rau nws cov thwjtim tias, “But after I am raised up, I will go before you to Galilee – *Thaum kuv sawv hauv qhovtuag rov los lawm, kuv yuav ua nej ntej mus pem Kalilais tebchaws.*” (Malakaus 14:28). Tomqab Yexus lub cev hloov hlo ua lub ci ntsa iab tag, Yexus hais rau Petus, Yakanpaus, thiab Yauhas ntawm Mathais 17:9 tias, “...Tell no one the vision, until the Son of Man is raised from the dead – ... *Nej tsis txhob qhia zaj uas nej pom ntawd rau leejtwg hlo li, tos txog thaum Tibeeg Leejtub sawv hauv qhovtuag rov qab los tso.*” Yexus hais rau Mathas tias, “...I am the resurrection and the life – ...*Kuv yog tus sawv thiab yog txojhia.*” (Yauhas 11:25). (Show Iben Browning)



Tibneeg ntiajteb yeej saibyaig thiab haistias lawv paub ntaus yam thiab pom txog yam yuav muaj tshwm rau yav tomntej, tiamsis feem ntaus lawv hais tsis yog thiab yam uas lawv hais ntawd tsis muaj tseeb. Muaj ibtus txivneej lub npe hu uas Iben Browning yog tus “Climatologist – *tus ua dejnum saib txog dejnag huabcua*” saibyaig haistias yuav muaj av qeeg loj kawg nkaus nyob rau New Hamburg Missouri rau September 26, 1990. Vim Missouri nyob rau New Madrid Faultline. Nws yuav ua rau sab Midwest tebchaws Asmeliskas ntawd yuav puamtsuaj tagnrho. Tej ntawv xovxwm koj lawv tej kob yeesduab mus teeb thiab npaj tos. Lawv tos thiab tos thiab tos. Tsis muaj dabtsi tshwm li.

II. Peb tibneeg ntiajteb yeej saib tsis tau, tsis pom vim peb tsis muaj lub hwjchim los mus ua tau tej ntawd vim peb yeej tsis paub tias yav tomntej yuav zoo li cas. Tibneeg tsuas lam hais. Tej zaum tibneeg hais ncaj ces raug li lolus hais ntawd, tiamsis feem ntaus tibneeg yeej tsis paub qhov tseeb. Txawm tibneeg lam haistias yuav muaj xwmtxheej li ub li no lo tibneeg puas yuav muaj lub hwjchim los mus “control - *tswj*” tau yam ntawd. Tibneeg puas qhia tau rau lwm lub limtiam, lwm lub hli, lwm lub xyoo haistias yuav muaj dabtsi tshwm? **(Show only God knows why)**



Tej xwm zoo li no tsuas yog Vajtswv tibleeg thiaj li paub txhuayam rau yav tomntej xwb. Vajtswv thiaj li yog tus paub tias yuav muaj dabtsi tshwmsim thiab yuav zoo li cas. Vajtswv yeej paub lawm tias tus Mexiyas yuav yug rau lub nroog Yeluxalees. Nws twb qhia uantej rau hauv Vajluskub Qub thiab Vajluskub Tshiab. Vajtswv yeej paub lawm tias Yexus yuav caij tus neesluav mus rau lub nroog Yeluxalees rau hnuv Nplooj Toovlaj. Nws twb hais qhia uantej rau ntawm Vajluskub Qub thiab Vajluskub Tshiab. Vajtswv yeej paub lawm tias Yexus yuav raug muas los ntawm 30 kis nyiaj, vim Vajluskub Qub thiab Vajluskub Tshiab


twb qhia lawm. Vajtswv yeej paub tias Nws tus Tub yeej yuav sawv hauv qhovtuag rov los. Nws twb qhia ntawm Vajluskub Qub thiab Vajluskub Tshiab lawm. Vim li no tus “angel – *timtswv*” thiaj li haistias “just as he told you – *raws li nws twb qhia rau nej lawm.*” Yav tomntej yuav zoo li cas rau peb tibneeg yog Vajtswv tsis muas peb rov los rau ntawm Nws txojkev hlub? **(Show sins separate from God)**



Peb yog tibneeg muaj kev txhaum, tsis muaj kev ncajnnees thiab kev dawbhuv rau ntawm Vajtswv txojkev zamtxim, kev ncajnnees thiab kev dawbhuv. Peb raug cais ntawm Vajtswv los ntawm txojkev txhaum. Vajtswv xav kom peb txhuatus tig rov los rau ntawm Nws txojkev hlub kom peb tsis txhob poob mus rau ntujtawg teb tiamsis tau mus rau ntuj ceebtsheej uas yog tau txojksia mus ibxhis thiab ibtxhis. Yog li ntawd, txij thaum Vajluskub Qub los, Vajtswv yeej qhia thiab hais kom Vajtswv haiv tibneeg mloog Vajtswv lus. Los txog rau Yexus tiam los tibneeg pheej tseem ua txhaum. Vajtswv thiaj li txib kiag Nws tus Tub los theej


ntiajteb lub txim kom tus uas ntseeg Yexus tus ntawd thiaj li dim. Yog li ntawd, Yexus thiaj li los raug kev tsimtxom thiab tuag. Nws theej tau tagnrho ntiajteb lub txim lawm. Yog li ntawd, Yexus thiaj li qhia kom peb yuavtsum ntseeg thiab cia siab rau Yexus, peb thia li tsis raug cais ntawm Vajtswv.

III. Vajtswv thiaj li txib Nws tus Tub uas yog peb tus Cawmseej Tswv Yexus Khetos los ua txojkev rau peb tibneeg rov mus tau rau ntawm Vajtswv. **(Show Jesus is the way to God)**




Nws los ris ntiajteb txojkev txhaum. Nws sawv ntawm txojkev tuag los muab txojksia pub rau peb txhuatus. Vajtswv hais ntawm Yaxayas 53:5 “But he was pierced for our transgressions; he was crushed for our iniquities; upon him was the chastisement that brought us peace, and with his wounds we are healed – *Nws raug luag ntaus nqaij ntuag ntshav nrog twb yog vim peb tej kev txhaum, nws raug luag nplawm twb yog vim peb tej kev phem. Nws ris kiag peb lub txhoj ua rau peb zoo hlo, Nws tej qhovtxhab ua rau peb ua tau tibneeg zoo puvntoob.*” Vajtswv Txojlus

twb qhia lawm haistias thaum nws tus Tub theej sawvdaws txojkev txhaum tag lawm, nws yuav sawv ntawm txojkev tuag. Vajntxwv Daviv sau ntawm **Nkauj Qhuas Vajtswv 16:10** sau tias, “because you will not abandon me to the realm of the dead, nor will you let your faithful one see decay – *Koj yuav tsis tso kuv mus rau lub qhovntxa, thiab yuav cia koj tus dawbhuv pom tej kev liamsis no.*” Nyob rau Vajluskub Qub, **Yauj 19:25** sau haistias “I know that my redeemer lives, and that in the end he will stand on the earth – *Kuv paub tias kuv tus cawmseej muaj sia nyob, thiab txawm txog thaum kawg los nws yuav sawv ntawm lub ntiajteb no.*” (Show John 11:25)



Tswv Yexus kovyeej txojkev txhaum, kev tuag, thiab dab lub hwjchim lawm. Yexus thiaj li haistias “...I am the resurrection and the life. The one who believes in me will live, even though they die – ...*Kuv yog tus sawv thiab yog txojksia. Tus uas ntseeg kuv txawm yog nws tuag lawm los, nws yeej yuav muaj sia. Tus ua muaj sia thiab ntseeg kuv, tus ntawd yuav tsis tuag ib zaug li.*” (Yauhas 11:25-26). Koj puas tau mus hais kom leejtwg saib yaig rau koj? Yam ua koj saib ntawd yog dabtsi? Puas qhia tau thiab muaj tseeb li tus tibneeg ntawd hais? (Show He has risen!)



Peb ua neej nyob peb yuav hnov ntaus yam qhia thiab saib txog ntau yam yuav muaj rau yav tomntej, tiamsis tej ntawd yuav tsis muaj tseeb li cov lus uas tej tibneeg hais ntawd vim lawv tsis muaj lub hwjchim paub qhov tseeb. Tiamsis Vajtswv cov lus qhia qhov tseeb tias Yexus sawv lawm. Tus timtswv thiaj li haistias “And he said to them, “Do not be alarmed. You seek Jesus of Nazareth, who was crucified. He has risen; he is not here. See the place where they laid him. But go, tell his disciples and Peter that he is going before you to Galilee. There you will see him, just as he told you – *Tus timtswv hais rau lawv haistias “Nej*

tsis txhob ntshai, Nej tuaj nrhiav Yexus tus uas yog neeg Naxales, tus uas lawv muab nws ntsia rau saum ntoo khaublig. Nws sawv lawm, nws tsis nyob no lawm. Nej cia li los xyuas qhovchaw uas lawv tso nws lub cev cia. Nej cia li mus qhia nws cov thwjtim thiab Petus tias, “Nws yuav ua nej ntej mus puag pem Kalilais tebchaws. Nej yuav pom nws ped raws li nws twb qhia rau nej lawm.” (Malakaus 16:6-7). Vim Nws sawv, nej cov uas ntseeg nws yuav muaj txojksia sawv nyob mus ibtxhis ibyam li nws, vim nws twb qhia rau nej lawm. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos lub npe. Peb txhuatus uas yog Vajtswv cov menyuam, peb sawvdaws hais: Asmees.